



REPUBLIKA E SHQIPËRISË
MINISTRIA E SHËNDETËSISË DHE MBROJTJES SOCIALE

MINISTRI

Nr. 3421 prot.

Tiranë, më 16.07/2020

URDHËR

Nr. 425, datë 16.07.2020

**PËR MIRATIMIN E UDHËZUESIT TË INSTITUTIT TË SHËNDETIT PUBLIK
“MBI PËRDORIMIN E BARRIERAVE MBROJTËSE/MASKAVE NË AMBIENTE
TË MBYLLURA PUBLIKE DHE TREGTARE**

Në mbështetje të pikës 4, të nenit 102, të Kushtetutës, të pikës 23, të nenit 3, të Aktit Normativ nr.3 datë 15.03.2020 “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga Covid-19”, i ndryshuar, me qëllim mbrojtjen e shëndetit të popullatës nga infeksioni COVID-19,

U R D H Ë R O J:

1. Miratimin e e Udhëzuesit të Institutit të Shëndetit Publik “Mbi përdorimin e barrierave mbrojtëse/maskave në ambiente te mbyllura publike dhe tregtare”, sipas tekstit që i bashkëlidhet këtij urdhëri.
2. Ngarkohet për zbatimin e këtij urdhri, Inspektorati Shtetëror Shëndetësor dhe të gjithë institucionet përgjegjëse sipas përcaktimeve në pikën 23 të nenit 3 të aktit normativ nr.3 datë 15.03.2020 “Për marrjen e masave të veçanta administrative gjatë kohëzgjatjes së periudhës së infeksionit të shkaktuar nga Covid-19”, i ndryshuar.

Ky urdhër hyn në fuqi menjëherë.

MINISTRI
Ogerta Manastirliu



REPUBLIKA E SHQIPËRISË
MINISTRIA E SHËNDETËSISË
DHE MBROJTJES SOCIALE
INSTITUTI I SHËNDETTIT PUBLIK

Nr. 543/5 pr. st

Dt. 15.07.2020

UDHËZUES

“MBI PËRDORIMIN E BARRIERAVE MBROJTËSE/MASKAVE NË AMBIENTET E MBYLLURA PUBLIKE DHE TREGTARE”

Qëllimi

Qëllimi i këtij udhëzuesi është përcaktimi i vendeve ku do të përdoren barrierat mbrojtëse (maskat) si edhe i kriterëve të përshtatshmërisë së tyre dhe mënyrës së përdorimit në ambiente të mbyllura publike dhe tregtare, nga individët në komunitet me qëllim zvogëlimin të transmetimit të mundshëm të COVID-19. Për sa më sipër:

1. Barriera mbrojtëse/maska duhet të përdoret nga të gjithë individët me përjashtim të fëmijëve deri në 10 vjeç.
2. Barriera mbrojtëse/maska nuk duhet të hiqet apo ulet poshtë zonës së rekomanduar kur bashkëbisedohet.
3. Përdorimi i barrierës mbrojtëse/maskës në ambientet e mbyllura duhet të konsiderohet si masë plotësuese dhe jo si zëvendësim i masave kryesore parandaluese që rekomandohen për të zvogëluar transmetimin në komunitet, përfshirë distancën fizike, qëndrimin në shtëpi kur jeni të sëmurë, respektimin e etiketes respiratore, higjienën e përpiktë të duarve dhe shmangien e prekjes së fytyrës, hundës, syve dhe gojës.

Ambientet ku është i detyrueshëm përdorimi i barrierës mbrojtëse/maskës:

“Ambient i mbyllur” është:

- a. një ambient që ka tavan ose çati, dyer, dritare ose rrugëkalime që mund të jenë të hapura apo të mbyllura dhe është i kufizuar plotësisht me mure dhe çdo lloj materiali tjetër të përherëshme ose të përkohshme;
- b. një ambient, që ka tavan ose çati, dyer, dritare ose rrugëkalime që mund të jenë të hapura apo të mbyllura dhe është i kufizuar me mure të përherëshme ose të përkohshme, muret e të cilit kanë hapje të përherëshme, që nuk mund të hapen apo të mbyllen, me sipërfaqe më pak se 50 për qind e sipërfaqes së përgjithshme të mureve.

Ambientet e mbyllura publike dhe tregtare ku është e detyrueshme mbajtja e barrierës mbrojtëse/maskës përfshijnë:


- Të gjitha ambientet e mbyllura.
- Të gjithë administratën publike dhe jo publike.
- Transportin publik.
- Zyra, banka, farmaci.
- Të gjitha qendrat tregëtare, dyqanet.
- Të gjitha supermakatat, tregjet dhe njësitë e shërbimit.

Përcaktimi i barrierave mbrojtëse/maskave jo-mjekësore

Maska jo-mjekësore për fytyrën/barriera mbrojtëse (ose maskat e komunitetit) përfshijnë forma të ndryshme nga ato të bëra vetë ose maska komerciale të realizuara prej pëlhure, tekstile ose materiale të tjera.

Përdorimi i saktë i barrierës mbrojtëse/maskës

- Pastroni duart me sapun dhe ujë ose dezinfektues duarsh me bazë alkooli përpara se të vendosni dhe hiqni barrierën mbrojtëse/maskën e fytyrës.
- Barriera mbrojtëse/maska e fytyrës duhet të mbulojë plotësisht fytyrën nga ura e hundës deri poshtë në mjekër.
- Evitoni prekjen e barrierës mbrojtëse/maskës gjatë kohës që e mbani të veshur.
- Kur hiqni barrierën mbrojtëse/maskën e fytyrës, hiqeni atë nga pas, duke shmangur prekjen e përparme të saj.
- Hidhni barrierën mbrojtëse/maskën e fytyrës në mënyrë të sigurt në koshin e mbetjeve.
- Lani duart ose aplikoni dezinfektuesin me bazë alkooli menjëherë pasi të hiqni barrierën mbrojtëse/maskën e fytyrës.
- Barriera mbrojtëse/maska jo mjekësore, prej tekstili e larë, e ripërdorshme duhet të lahet sa më shpejt që të jetë e mundur pas çdo përdorimi, duke përdorur larës të zakonshëm në 60 °C.
- Maska është personale dhe nuk ndahet me asnjë person tjetër.



A handwritten signature in black ink is written over a circular official stamp. The signature is cursive and appears to read 'Shkencëtarë'. The stamp is partially obscured by the signature and contains some illegible text and a central emblem.